



Vuk'uzenzele



Uyetsulelwa Tekuchumana Tahulumende Nekuniketa Lwati (GCIS)

Siswati/English

Kholwane 2015

TINDZABALETIBALULEKILE:

Gadza tikhangiso temisebenti yahululemende kulo lonkhe lushicilelo lwe-**Vuk'uzenzele** lolutako kusukela ngeNgc



Imfundvo Le-sisekelo ibeka emabalengwe etindleko letihamba embili
Likhasi 4



I-IDCindlo-ndlobalisa bafuyi betinkhomo
Likhasi 7

Bomasipala benta kahle kakhulu, benta kancono kwetfulwa kwetinsita

Amukelani Chauke

Bomasipala labanengi balawula kancono timali tabo, lokwenta kutsi kwetfulwe tinsita kancono emimangweni.

Umhlolimbhuku Jikele Kimi Makwetu usandza kwetfula umbiko lomkhulu wekuhlolwa kwemabhuku lokwentiwa kubomasipala nemitimba yabomasipala ngemnyaka wetimali wanga-2013/14.

Lombiko ukhombise kutsi linani labomasipala labangenise titatimende tabo tetimali ngesikhatsi likhule ngalokubonakalako etifundzeni letinengi.

Umhlolimbhuku Jikelele utsite samba selinani labomasipala nemitimba yabomasipala letfole imiphumela lemihle sikhule sesuka ku-30 emnyakeni wetimali wanga-2012/13 saya ku-58 nga-2013/14, lokwentiwa ngu-40 (li-14%) wabomasipala labange-268 na-18 (ema-32%) emitimba yabomasipala lenge-57.

Makwetu utsite imisebenti yabomasipala labasebenta kahle iyamfokotisa ngobe seyente timphilo tebantfu tabancono.

Ngemuva kwekucedza kuhlola emabhuku, uvakashele bomasipala labanyenti labasebente kahle kute abahalalisele. Ngesikhatsi alapho, uvakashele imiklamo yabomasipala lemnyenti kute abone kutsi imiphumela lencono ibe nemtselela kangakanani ekwetfulweni kwetinsita KwaZulu-Natal, Nshonalanga Kapa, Mpumalanga, Gauteng



Umhlolimbhuku Jikele Kimi Makwetu utsite bomasipala labasebenta kahle sebente timphilo tebantfu tabancono.

naseMphumalanga Kapa.

“Baholi betepolitiki nalabalawulako bangiphekelele kanye nelitsimba lami nasivakashela lemnye yalemiklamo lebalulekile, lapho khona basinike lwatiso lolubanti mayelana nekutsi lemiklamo ilawulwa njani kute kuzuze imimango yendzawo.

“Ngitfokote kakhulu ngemisebenti lomuhle kangaka lowentiwe ngulabomasipala, labanye basetindzaweni tasemaphandleni leticakile telive letfu, basebenta kahle kakhulu kute kutsi babe nemphumela lomuhle emimangweni yabo,” kwasho yena.

Makwetu wengete ngelekutsi labomasipala labakhombise kutsi emathulusi ekuphatsa lokuhle kungasetjentiswa ngemphumelelo kute kwentiwe timphilo tebantfu kutsi tibe ncono kanye nekutsi baphatsi bekulawula nebepolitiki bese bacale kubeka lizinga lelihle nekuhola ngekuba sibonelo.

IMIPHUMELA YEKUHLOLWA KWEMABHUKU IYEMUKELWA

Indvuna Pravin Gordhan yeLitiko Letekubusa Ngekubambisana Netendzabuko utsite imiphumela lencono yekuhlolwa kwemabhuku abomasipala ikhombise kutsi hulumente ubeke embili kubusa lokuhle nekwetfulwa kwetinsita.

“Lombiko ukhombisa kutfutfuka lokungagucugucuki kwekubusa lokuhle nekuphatfwa kwetimali ngalokubhadlile.

“Loku kucinisa kwetfulwa kwetinsita letisisekelo ngalokwenetisako nalokunekutiphendvulela ngekuhambisana nenchubo ‘yeKubuyela Kusisekelonchanti’,” kwasho yena.

Indvuna yetfule indlelalisu “yeKubuyela Kusisekelonchanti” ngeNyoni 2014 njengobe hulumente usebentisa indlela yekucinisekisa kutsi bomasipala betfula kahle tinsita, kanye nekulalela ngalokuyimphumelelo tintfo letikhatsata ummango.

IMINYAKA YEKWENTA KANCONO

Ema-41% abo bonkhe bomasipala labahlolwele emabhuku abo batfole imiphumela yekuhlolwa kwemabhuku lemihle kepha lenemibandzela kulomnyaka wekuhlolwa kwemabhuku, nakucatsaniswa nema-40% nga-2012/13.

“Umphumela lomuhle wekuhlolwa kwemabhuku” usho kutsi emabhuku amasipala atfolakele eme ngendlela lefanele nekutsi futsi bekute emaphutsa embikweni wetimali; bahlangabene nemigomo yabo yekwetfulwa kwetinsita lebeyimiselwe kutetsembiso tabo; nekutsi futsi bahambisene nemtsetfo nabasebentisa timali temmango.

“Umphumela lomuhle wekuhlolwa kwemabhuku” lonemibandzela usho kutsi masipala ukhonile kwetfula titatimende tetimali letite emaphutsa, kepha wehlulekile kuhlanga betana nayo yonkhe imigomo yakhe futsi akatibekeli imigomo lecacile nome akhombise kutsi ngumupi umtsetfo lawusebentisile ekulawuleni timali.

Imiphumela ikhombise kutsi ema-22% abe ‘yimiphumela lengasimihle lenemibandzela’ kulomnyaka wekuhlolwa kwemabhuku, nakucatsaniswa ne-28% nga-2012/13.

Loku kusho kutsi bomasipala abakakhoni kukhipha titatimende tetimali letetsembekile noma abakakhoni kuhambisana nemtsetfo wekulawulwa kwetimali.

Bomasipala nemitimba yabomasipala laba-16% batfole ‘titatimende tembiko letinemibandzela’. Loku kusho kutsi titatimende tetimali tabomasipala betitimbi kakhulu kangangobe Umhlolimbhuku Jikelele akakhoni ngisho nekukhipha umphumela wekuhlolwa kwemabhuku.

TISEBENTE KANJANI TIFUNDZA

■ **EMphumalanga Kapa:** Sigodzi iSarah Baartman naMasipala waseSenqu wente kancono yatfole imiphumela yekuhlolwa kwemabhuku lemihle, kwatsi i-Ejensi Yekutfufukisa yaseMandela Bay yona yachubeka nekutfole umbiko wekuhlolwa kwemabhuku lomuhle.

■ **EGauteng:** Ekurhuleni Metro, Midvaal, Mogale City, Brakpan Bus Company, Joburg City Theatres, Ekurhuleni Development Company, Johannesburg Roads Agency, Lethabong Housing Institute, Pharos Park Housing Company neGermiston Phase II Housing Company – bonkhe batfole batfole umphumela lomuhle wekuhlolwa kwemabhuku.

Sigodzi saseSedibeng, Imakethe yaseJozi neNkampani Yetindlu Tetenhlalo uchubeke nekutfole umphumela lomuhle wekuhlolwa kwemabhuku.

■ **IKwaZulu-Natal:** I-Dannhauser, Emnambithi/ Ladysmith, Ezingoloni, ICC Durban, Sigodzi sase-Iembe, Mandeni, Richmond, Sigodzi saseMgungundlovu, Umzumbe, Sigodzi saseZululand, Ibhizinisi Lephsetse Tekutfufukisa yase-Iembe neTekuvakasha teLugu loluseNingizimu batfole (imiphumela lemihle yekuhlolwa kwemabhuku) lencono.

■ **ENyakatfo Kapa:** Sigodzi saseFrances Baard kube ngiso kuphela lesente kancono satfole imiphumela lemihle yekuhlolwa kwemabhuku, kwatsi Sigodzi sase-ZF Mgca-wu sona sachubeka nekutfole umphumela lomuhle wekuhlolwa kwemabhuku.

■ **EMpumalanga:** Sigodzi sase-Ehlanzeni naMasipala iSteve Tshwete bachubeke batfole imiphumela yabo lemihle yekuhlolwa kwemabhuku.

Kute bomasipalati noma imitimba letfole imiphumela lemihle eFreyistata, Limpopo naseNyakatfo Nshonalanga.

Kuhlonipha Nelson Mandela

Sello Hatang

Nga-2009 Sigungu Jikelele saMhlabuhlangene setfula lusuku lwekutsalwa lwaMadiba, 18 Kholwane njengengelusuku lwemhlaba lwaNelson Mandela.

Kusukela ngaleso sikhatsi, Lusuku lwaMandela selube simemo sekuphaka-ma kuntjinjwe umhlaba ube ncono ngekwenza umsebenzi nebulholi lo-

bacalwa nguMnu. Mandela ngesikhatsi sakhe sekusebenta seminyaka lenge-67, hhayi nje kuphela lilanga linye lemnyaka kepha ngemitamo lechubekako.

Loku kusho kutsi mine nawe sente ini? Ngalokusibonelo, licembu lemalvolon-tiya labuya kumkhakha wahulumende, tinkampani letitimele nebantfu labatimele labaletsa tingucuko (kufaka nami ekhatsi) sitawube sihlanganyele kuNsa-yeya Lenkhulu yeKilimanjaro, *Kilimanjaro Executive Challenge*, kukhuphuka siye esicongweni sentsaba yase-Afrika lendze kunato tonkhe, ngenhloso yekufika esicongweni nga-18 Kholwane.

Siphindze futsi sibukane nalensayeya njengemklamo wemmango egameni leLuhlelo i-*Archbishop Tutu Fellowship*

Iyachubeka ekhasini le - 2

